



სსიპ საქართველოს მუნიციპალური განვითარების ფონდი

ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების სახელმწიფო შესყიდვის ელექტრონული ტენდერის სატენდერო კომისიის სხდომის ოქმი N1

სატენდერო კომისიის სხდომა ჩატარდა ქალაქ თბილისში, საკონფერენციო კავშირის მეშვეობით

სატენდერო კომისიის შემადგენლობა:

გიორგი შენგელია - სატენდერო კომისიის თავმჯდომარე, სსიპ საქართველოს მუნიციპალური განვითარების ფონდის აღმასრულებელი დირექტორი.

დავით ტაბიძე - სატენდერო კომისიის თავმჯდომარის მოადგილე, სსიპ საქართველოს მუნიციპალური განვითარების ფონდის აღმასრულებელი დირექტორის პირველი მოადგილე, პროგრამის მენეჯერი.

ლევან შარვაძე - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორის მოადგილე, ფინანსური დეპარტამენტის უფროსი.

გიორგი კარტოზია - სატენდერო კომისიის წევრი, სსიპ საქართველოს მუნიციპალური განვითარების ფონდის შეფასებისა და დაგეგმვის დეპარტამენტის უფროსი.

ზურაბ კოტორაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ადმინისტრაციული დეპარტამენტის უფროსი.

გრიგოლ ფერაძე - სატენდერო კომისიის წევრი, სსიპ საქართველოს მუნიციპალური განვითარების ფონდის ხარისხის კონტროლის დეპარტამენტის უფროსი.

ნიკოლოზ დოლიძე - სატენდერო კომისიის წევრი, სსიპ საქართველოს მუნიციპალური განვითარების ფონდის იურიდიული დეპარტამენტის უფროსი.

ირაკლი ფარესიშვილი - სატენდერო კომისიის წევრი, სატენდერო კომისიის მდივანი, სსიპ საქართველოს მუნიციპალური განვითარების ფონდის შესყიდვების დეპარტამენტის უფროსი.

ჯაბა სირბილაძე - სატენდერო კომისიის წევრი, სსიპ საქართველოს მუნიციპალური განვითარების ფონდის პროგრამის მენეჯერი (GOG1).

სატენდერო კომისიის აპარატის შემადგენლობა:

მარიამ ბოჭორიშვილი - სატენდერო კომისიის აპარატის წევრი, სსიპ საქართველოს მუნიციპალური განვითარების ფონდის შესყიდვების დეპარტამენტის სპეციალისტი.

დღის წესრიგი:

1. ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების სახელმწიფო შესყიდვის საშუალების განხილვა.

2. ელექტრონული ტენდერის ჩატარების შესახებ განცხადების ტექსტისა და სატენდერო დოკუმენტაციის დამტკიცება.

საკითხი I

მოისმინეს სატენდერო კომისიის წევრების გამოსვლა:

1. სსიპ საქართველოს მუნიციპალური განვითარების ფონდის მიერ განსახორციელებელი ღონისძიებების შესახებ საქართველოს მთავრობის 2021 წლის 08 ივლისის N1143 განკარგულების პირველი პუნქტის „გ“ ქვეპუნქტის თანახმად, სსიპ საქართველოს მუნიციპალური განვითარების ფონდს დაევა, ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების შესყიდვის უზრუნველყოფა.
2. ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების შესყიდვის უზრუნველყოფად, სსიპ საქართველოს მუნიციპალური განვითარების ფონდის პროექტების შეფასების სამსახურის მიერ მომზადდა შესაბამისი ტექნიკური დავალება, ფასების ცხრილი და შესყიდვის სავარაუდო ღირებულება განისაზღვრა 2,651,200.00 ლარით, დღგ-ს ჩათვლით.

სატენდერო კომისიის წევრებმა აღნიშნეს:

მიზანშეწონილია ელექტრონული ტენდერი გამოცხადდეს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს 39-ე მუხლით გათვალისწინებული პირობების შესაბამისად, ელექტრონული ვაჭრობის დაფარული მონაცემებით, დამატებითი რაუნდების გარეშე.

დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის მე-2 პუნქტის თანახმად, ელექტრონული ტენდერის პროცედურა ჩატარდეს ამავე წლის 39-ე მუხლით გათვალისწინებული მეთოდით, ელექტრონული ვაჭრობის დაფარული მონაცემებით, დამატებითი რაუნდების გარეშე, NAT აბრევიატურით.
2. ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების შესყიდვის სავარაუდო ღირებულება განისაზღვროს 2,651,200.00 ლარით, დღგ-ს ჩათვლით.

საკითხი II

სატენდერო კომისიის წევრებმა მოისმინეს:

სატენდერო კომისიის აპარატის წევრის, მარიამ ბოჭორიშვილის ინფორმაცია: ელექტრონული ტენდერის პირობების, კერძოდ ტენდერის ჩატარების შესახებ განცხადების ტექსტისა და სატენდერო დოკუმენტაციის პროექტის შესახებ. მარიამ ბოჭორიშვილმა სატენდერო კომისიას წარუდგინა სახელმწიფო შესყიდვების ერთიან ელექტრონულ სისტემაში შევსებული სატენდერო პირობების პროექტი (თან ერთვის წინამდებარე ოქმს).

სატენდერო კომისიის წევრებმა განხილვის შედეგად აღნიშნეს:

მისაღება ტენდერის ჩატარების შესახებ განცხადებითა და სატენდერო დოკუმენტაციით გათვალისწინებული პირობები და ძირითადი და მნიშვნელოვანი სატენდერო პირობების დასაბუთების მიზნით აღსანიშნავია:

1. ტექნიკური დავალებით განსაზღვრული, გასაწევის მომსახურებისა და შესასრულებელი სამუშაოების გათვალისწინებით, მიზანშეწონილია ელექტრონული ტენდერი გამოცხადდეს CPV-45200000 დანაყოფის ფარგლებში, კერძოდ: CPV-45212225 კლასიფიკატორის კოდით.
2. საქართველოს მუნიციპალური განვითარების ფონდის მიერ განსახორციელებელი პროექტების ფარგლებში (GOG 25 03 01), განსაზღვრულია შესყიდვის ობიექტის დაფინანსება.
3. შესყიდვის ობიექტის სავარაუდო ღირებულება დაანგარიშებულია დამატებითი ღირებულების გადასახადის გათვალისწინებით, შესაბამისად, წინადადების წარმოდგენა უნდა განხორციელდეს აღნიშნული გადასახადის (დღგ) ჩათვლით, ხოლო წინადადების ფასის კლების ბიჯის ოდენობა განსაზღვრულია შესყიდვის ობიექტის სავარაუდო ღირებულების 1%-ის ოდენობით.
4. შესყიდვის ობიექტის მიწოდების ვადა განსაზღვრულია სახელმწიფო შესყიდვის შესახებ ხელშეკრულების გაფორმების მომდევნო დღიდან 20 (ოცი) კალენდარული თვით.
5. შესყიდვის ობიექტის მოცულობა განსაზღვრულია სატენდერო დოკუმენტაციის დანართებით (ტექნიკური დავალება).
6. შესყიდვის ობიექტთან დაკავშირებით, პრეტენდენტებისათვის ინფორმაციის დროულად მიწოდების მიზნით, განცხადების დამატებითი ინფორმაციის ველში გათვალისწინებულია ინფორმაცია, შესყიდვის ობიექტის დასახელებისა და შესრულებულ სამუშაოებზე საგარანტიო ვადების შესახებ.
7. ტექნიკური დავალება განსაზღვრულია სატენდერო დოკუმენტაციის დანართებით, ხოლო იმისთვის, რომ პრეტენდენტმა საფუძვლიანად მოახდინოს ტექნიკური დავალებით განსაზღვრული ინფორმაციის შესწავლა, ტექნიკური დოკუმენტაციის სახით მოთხოვნილია პრეტენდენტის უფლებამოსილი პირის მიერ დამოწმებული თანხმობა სატენდერო დოკუმენტაციით გათვალისწინებულ ტექნიკურ დავალებაზე, რომელიც ატვირთულია სატენდერო დოკუმენტაციის 1.2 პუნქტში - სატენდერო დოკუმენტაციის დანართი N2.
8. სამუშაოების მიმდინარეობის შემოწმების მიზნით, მიმწოდებელმა, სამშენებლო სამუშაოების წარმოების დაწყებამდე, უნდა წარმოადგინოს სამუშაოების წარმოების ფინანსურ-ხაზობრივი გეგმა-გრაფიკი.
9. სატენდერო დოკუმენტაცია მოიცავს დანართ N3-ს, რომლის თანახმადაც მოცემულია ინფორმაცია სამშენებლო სამუშაოების საგარანტიო ვადებისა და დეფექტებზე პასუხისმგებლობის პერიოდის შესახებ. იმისთვის, რომ შემცირდეს მოსალოდნელი რისკი და თავიდან იყოს აცილებული სამუშაოების შეფერხება, ტექნიკური დოკუმენტაციის სახით მოთხოვნილია პრეტენდენტის უფლებამოსილი პირის მიერ დამოწმებული თანხმობა, რომელიც განსაზღვრავს პრეტენდენტის ვალდებულებას დააზღვიოს, როგორც სამშენებლო ობიექტი, ასევე მანქანა-მექანიზმები, მესამე პირები და დასაქმებული პერსონალი. თანხმობა შესრულებული სამუშაოების საგარანტიო ვადებისა (დეფექტებზე პასუხისმგებლობის პერიოდი) და ობიექტის დაზღვევის შესახებ ატვირთულია სატენდერო დოკუმენტაციის 2.9 პუნქტში - სატენდერო დოკუმენტაციის დანართი N3.
10. პრეტენდენტის გამოცდილების შესახებ მოთხოვნები განისაზღვრა შესასრულებელი სამუშაოების სპეციფიკის, მოცულობისა და სირთულის გათვალისწინებით:

პრეტენდენტს, 2015 წლის 01 იანვრიდან ელექტრონული ტენდერისათვის „წინადადებების მიღება დასრულებულია“ სტატუსის მინიჭების თარიღამდე პერიოდში, მიწოდებული უნდა ჰქონდეს:

კომპონენტი N1:

1. არაუმეტეს 1 (ერთი) დასრულებული ხელშეკრულების ფარგლებში, ჯამურად არანაკლებ 200,000 (ორასი ათასი) ლარის ღირებულების დეტალური საპროექტო-სახარჯთაღრიცხვო დოკუმენტაცია, არანაკლებ IV კლასის, სამოქალაქო და/ან სამრეწველო დანიშნულების, ახალი შენობა-ნაგებობ(ებ)ის მშენებლობის სამუშაოებისათვის. აღნიშნული დეტალური საპროექტო-სახარჯთაღრიცხვო დოკუმენტაცია სავალდებულოდ მომზადებული უნდა იყოს საქართველოს, ევროკავშირის (EU), ან ეკონომიკური თანამშრომლობისა და განვითარების ორგანიზაციის (OECD) წევრ-სახელმწიფოთა ტერიტორიაზე განსახორციელებელი, არანაკლებ IV კლასის, სამოქალაქო და/ან სამრეწველო დანიშნულების, ახალი შენობა-ნაგებობ(ებ)ის მშენებლობის სამუშაოებისათვის.

კომპონენტი N2:

1. არაუმეტეს 1 (ერთი) დასრულებული ხელშეკრულების ფარგლებში, ჯამურად არანაკლებ 2,500,000 (ორი მილიონ ხუთასი ათასი) ლარის ღირებულების, არანაკლებ IV კლასის, სამოქალაქო და/ან სამრეწველო დანიშნულების, ახალი შენობა-ნაგებობ(ებ)ის მშენებლობის სამუშაოები. აღნიშნული სამუშაოები

სავალდებულოდ შესრულებული უნდა იყოს საქართველოს, ევროკავშირის (EU), ან ეკონომიკური თანამშრომლობისა და განვითარების ორგანიზაციის (OECD) წევრ-სახელმწიფოთა ტერიტორიაზე.

სატენდერო დოკუმენტაციის 2.2.1 პუნქტით განსაზღვრულია პრეტენდენტის მიერ სისტემის მეშვეობით წარმოსადგენი, გამოცდილების დამადასტურებელი დოკუმენტაცია და ამავე დოკუმენტაციის წარმოდგენის პირობები. ამხანაგობის ელექტრონულ ტენდერში მონაწილეობის საკითხი რეგულირდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს 24-ე მუხლის შესაბამისად.

11. სატენდერო დოკუმენტაციის 2.6.1 პუნქტით განსაზღვრულია პრეტენდენტის ფინანსურ შესაძლებლობებთან დაკავშირებული მოთხოვნები, რომლის ჩამოყალიბება განხორციელდა შესყიდვის ობიექტის მნიშვნელობის, მოცულობისა და სირთულის გათვალისწინებით. ვინაიდან, სამუშაოების შეუფერხებლად წარმოება და დადგენილ დროში დასრულება მნიშვნელოვნად არის დამოკიდებული მიმწოდებლის ფინანსურ შესაძლებლობებზე, საჭიროა დადგინდეს პრეტენდენტის მიერ ერთდროულად ერთი, ან ერთზე მეტი ხელშეკრულებით გათვალისწინებული სამუშაოების შესრულების შესაძლებლობა, რისთვისაც გამოიყენება შემდეგი ფორმულა: $AT1=AT2-OW$, სადაც $AT1 \geq 0$.

პრეტენდენტის მიერ, ერთდროულად ერთი, ან ერთზე მეტი ხელშეკრულებით გათვალისწინებული სამუშაოების შესრულების შესაძლებლობის ($AT1$) დადგენის მიზნით, უნდა განისაზღვროს პრეტენდენტის ბოლო ხუთი წლის (2016, 2017, 2018, 2019 და 2020 წლები) საშუალო წლიური ბრუნვა ($AT2$) და დადგინდეს პრეტენდენტის მიმდინარე და/ან მოსალოდნელი ვალდებულებები (OW).

სატენდერო დოკუმენტაციის 2.6.1 პუნქტის თანახმად, პრეტენდენტის ბოლო ხუთი წლის (2016, 2017, 2018, 2019 და 2020 წლების) საშუალო წლიური ბრუნვის დადგენის მიზნით, წარმოდგენილი უნდა იყოს შესაბამისი წლების (2016, 2017, 2018, 2019 და 2020) ბუღალტრული აღრიცხვის, ანგარიშგებისა და აუდიტის ზედამხედველობის სამსახურის ოფიციალურ ვებ-გვერდზე: www.saras.gov.ge რეგისტრირებული აუდიტორის, ან აუდიტორული კომპანიის მიერ წერილობით დადასტურებული ინფორმაცია, რომელშიც მკაფიოდ უნდა ჩანდეს პრეტენდენტის თითოეული საანგარიშო წლის (2016, 2017, 2018, 2019 და 2020 წლები) წლიური ბრუნვა, დამატებული ღირებულების გადასახადის (დ.დ.გ.) ჩათვლით; ან ბუღალტრული აღრიცხვის, ანგარიშგებისა და აუდიტის ზედამხედველობის სამსახურის ოფიციალურ ვებ-გვერდზე: www.saras.gov.ge რეგისტრირებული აუდიტორის, ან აუდიტორული კომპანიის მიერ გაცემული შესაბამისი წლების ფინანსური ანგარიშგება, აუდიტორულ დასკვნასთან ერთად.

პრეტენდენტის მიმდინარე ვალდებულებების, ან მოსალოდნელი ხელშეკრულებების ფარგლებში შესასრულებელი ვალდებულებების დადგენის მიზნით, განსაზღვრული არის სატენდერო დოკუმენტაციის დანართი N4, რომლის შევსებაც უნდა უზრუნველყოს პრეტენდენტმა. სატენდერო დოკუმენტაციის 2.6.1 პუნქტში და სატენდერო დოკუმენტაციის დანართ N4-ში მოცემულია დანართი N4-ის შევსების ინსტრუქცია, რომლის თანახმადაც უნდა უზრუნველყოს პრეტენდენტმა მიმდინარე და მოსალოდნელი ხელშეკრულებების ფარგლებში შესასრულებელი ვალდებულებების შესახებ ინფორმაციის წარმოდგენა. სატენდერო დოკუმენტაციის 2.6.1 პუნქტის თანახმად, დანართი N4 დაზუსტებას არ ექვემდებარება. აღნიშნული ინფორმაციის არასათანადოდ შევსების, ასევე ვალდებულებების შემცირების მიზნით არასწორად შევსების და/ან წარმოუდგენლობის შემთხვევაში, განხორციელდება პრეტენდენტის დისკვალიფიკაცია ელექტრონული ტენდერის პროცედურებიდან. იმ შემთხვევაში, თუ პრეტენდენტის გამარჯვებულად გამოვლენამდე სატენდერო კომისიის მიერ დადგინდა, რომ პრეტენდენტს მოსალოდნელი ხელშეკრულების ფარგლებში შესაძლებელია დამატებით წარმოექმნას ისეთი ვალდებულება, რომლის გათვალისწინებასაც პრეტენდენტი ვერ უზრუნველყოფდა წინადადების წარდგენის თარიღისათვის (წინადადების წარდგენის ვადის დასრულების შემდეგ, პრეტენდენტის გამარჯვებულად გამოვლენამდე, აღნიშნული პრეტენდენტი რომელიმე შემსყიდველი ორგანიზაციის მიერ გამოვლენილი იქნა გამარჯვებულად და/ან მოწვეული იქნა ხელშეკრულების გასაფორმებლად), ან სატენდერო კომისიამ დაადგინა, რომ პრეტენდენტის მოსალოდნელი ვალდებულება შემცირდა (წინადადების წარდგენის ვადის დასრულების შემდეგ, პრეტენდენტის გამარჯვებულად გამოვლენამდე, პრეტენდენტმა უზრუნველყო მიმდინარე ვალდებულებების შემცირება), სატენდერო კომისია დანართი N4-ის დაზუსტების მოთხოვნის გარეშე, თავად უზრუნველყოფს პრეტენდენტის მიმდინარე, ან მოსალოდნელი ვალდებულებების კორექტირებას, კერძოდ დამატებითი ვალდებულებების არსებობის შემთხვევაში, უზრუნველყოფს აღნიშნული ვალდებულებების დაჯამებას, ხოლო ვალდებულებების შემცირების შემთხვევაში, შესაბამისად შეამცირებს მოსალოდნელ ვალდებულებებს. სატენდერო დოკუმენტაციის დანართები N4 და N5 ($AT1$ -ის დაანგარიშების ფორმულა და OW -ს დაანგარიშებისა და შეკრების პირობები) ატვირთულია სატენდერო დოკუმენტაციის 2.6.1 პუნქტში.

სატენდერო დოკუმენტაციის 2.6.1 პუნქტით დაწვრილებით განსაზღვრულია პრეტენდენტის მიერ სისტემის მეშვეობით წარმოსადგენი, 2.6.1 პუნქტის მოთხოვნებთან დაკავშირებული დოკუმენტაცია და

ამავე დოკუმენტაციის წარმოდგენის პირობები. ასევე, ამხანაგობის, ან არარეზიდენტი პირის ელექტრონულ ტენდერში მონაწილეობის პირობები, სატენდერო დოკუმენტაციის 2.6.1 პუნქტით განსაზღვრული მოთხოვნების დასაკმაყოფილებლად.

12. ხელშეკრულების შესრულების უზრუნველყოფის საბანკო გარანტიის ოდენობა განისაზღვრა სახელშეკრულებო ღირებულების 5%-ის ოდენობით, ხოლო სავარაუდო ღირებულებასთან მიმართებით 20%-ით, ან მეტით სხვაობის შემთხვევაში, საბანკო გარანტიის ოდენობა განსაზღვრულია სახელშეკრულებო ღირებულების 10%-ის ოდენობით. ხელშეკრულების შესრულების უზრუნველყოფის საბანკო გარანტიის შინაარსი დამატებით მოცემულია სატენდერო დოკუმენტაციის დანართი N6-ის სახით, რომელიც ატვირთულია სატენდერო დოკუმენტაციის 10.1 პუნქტში.

13. წინადადების ფასსა და სავარაუდო ღირებულებას შორის 20%-ით, ან მეტით სხვაობის შემთხვევაში, სატენდერო პირობებით არ არის განსაზღვრული ფასწარმოქმნის ადეკვატურობის დამადასტურებელი დოკუმენტაციის წარმოდგენის ვალდებულება, რადგან შესყიდვა ხორციელდება Design-Build მეთოდით.

14. ანგარიშსწორების (მათ შორის წინასწარი ანგარიშსწორების) ზოგადი პირობები მოცემულია სატენდერო დოკუმენტაციის 7.1, 7.1.1, 7.2 და 7.3 პუნქტებში, ხოლო დეტალური პირობები მოცემულია ხელშეკრულების პროექტში, რომელიც წარმოადგენს სატენდერო დოკუმენტაციის განუყოფელ ნაწილს.

15. ხელშეკრულების პროექტი მომზადებული სსიპ საქართველოს მუნიციპალური განვითარების ფონდის მიერ Design-Build მეთოდით სამუშაოების სახელმწიფო შესყიდვის დროს გამოყენებული პირობების შესაბამისად და აღნიშნული პირობების ხელშეკრულებაში გათვალისწინებით, წარმატებით არის განხორციელებული მრავალი შესყიდვა.

16. სატენდერო დოკუმენტაციის 2.9 პუნქტით დამატებით არის განსაზღვრული ინფორმაცია პრეტენდენტის მიერ ერთიანი ელექტრონული სისტემის მეშვეობით წარმოსადგენი დოკუმენტაციის შესახებ, სატენდერო წინადადების ფასის დაანგარიშების მეთოდი და დოკუმენტების წარმოდგენის ფორმატი. სატენდერო დოკუმენტაციის 10.1 პუნქტით განსაზღვრულია სატენდერო პირობების განმარტების მოთხოვნის პროცედურა.

სატენდერო კომისიის წევრებმა დაადგინეს:

1. ერთი ხელშეკრულების ფარგლებში, Design-Build მეთოდით, ბოლნისის მუნიციპალიტეტის ქალაქ ბოლნისში მრავალფუნქციური სპორტული დარბაზის მშენებლობისათვის დეტალური საპროექტო-სახარჯთაღრიცხვო დოკუმენტაციის მომზადების და დეტალური საპროექტო-სახარჯთაღრიცხვო დოკუმენტაციის საფუძველზე სამშენებლო სამუშაოების შესრულების სახელმწიფო შესყიდვის მიზნით დამტკიცდეს ელექტრონული ტენდერის ჩატარების შესახებ განცხადების ტექსტი და სატენდერო დოკუმენტაცია (თან ერთვის წინამდებარე ოქმს) და ელექტრონული ტენდერი გამოცხადდეს NAT აბრევიატურით.

2. დაევალოს სატენდერო კომისიის აპარატს წინამდებარე ოქმისა და ელექტრონული ტენდერის ჩატარების შესახებ განცხადების ტექსტისა და სატენდერო დოკუმენტაციის სახელმწიფო შესყიდვების ერთიან ელექტრონულ სისტემაში გამოქვეყნება.

სატენდერო კომისიის სხდომაზე დამსწრე პირთა ხელმოწერები:

გიორგი შენგელია

აღმასრულებელი დირექტორი


დირექცია

დავით ტაბიძე

აღმასრულებელი დირექტორის პირველი მოადგილე

დირექცია

ლევან შარვაძე



აღმასრულებელი დირექტორის მოადგილე CFO

დირექცია


გიორგი კარტოზია



დეპარტამენტის უფროსი

შეფასებისა და დაგეგმვის დეპარტამენტი


ზურაბ კოტორაშვილი



დეპარტამენტის უფროსი

ადმინისტრაციული დეპარტამენტი

ნიკოლოზ დოლიძე



დეპარტამენტის უფროსი

იურიდიული დეპარტამენტი

ჯაბა სირბილაძე



პროგრამის მენეჯერი GOG1

დირექცია

მარიამ ბოჭორიშვილი



შესყიდვების სპეციალისტი

